



ԿՐԹԱԿԱՆ

...ԵՎ ՇԵՉԵՑ ԴՊՐՈՑՆԵՐՈՒՄ ՎԵՐՋԻՆ ԶԱՆԳԸ

Երկրի համրային դպրոցներում ավարտական Վերջին զանգը հնչեց մայիսի 18-ին, որին հաջորդեցին ավարտական քննությունները: Ծրագրային առումով քննաթերթիկները նույնն էին, ինչ նախորդ տարի: Միակ փոփոխությունը, որ գործարկել էր Վրաստանի կրթության եւ գիտության նախարարությունն այս տարի, գնահատականների բացակայությունն էր: Այդուհանդերձ, երկրի 39 000 շրջանավարտից 11 000-ը չկարողացավ հաղթահարել քննապատմեջը: Փաստը մտահոգիչ է: Հատկապես, եթե հաշվի առնենք այն, որ շրջանավարտների թվում են ավարտական քննությունը դեռ նախորդ տարի չհանձնած տասներկուերորդ դասարանցիները:

Վրաստանի տարածքում ըստ Վրաստանի կրթության եւ գիտության նախարարության փորձագետ Կարինե Մանուկյանի, այսօր գործում է 129 հայկական դպրոց: «Վրաստան» թերթի նախորդ համարում, մենք անդրադարձանք Թբիլիսիի հայկական դպրոցներում տիրող իրավիճակին: Այլ է իրավիճակը Վրաստանի հայաբնակ շրջաններում:

ԱՄԱԼՔԱԼԱՔԻ ՄՈՒՆԻՑԻՊԱԼԻՏԵՏ

Շրջանի 133 շրջանավարտից 28-ը չի հաղթահարել քննապատմեջը տարբեր առարկաներից: Վիճակն ամմխիթար է Խուլզումո գյուղի դպրոցում, եւ խոսքը աշակերտների նվազ թվի կամ մանկավարժների պակասի մասին չէ:

- Ունենք 13 շրջանավարտ, 17 առաջին դասարանցի: Դպրոցում սովորողների թիվը 137-ն է: Դպրոցում իրավիճակն առավել քան վատթար է,- **ասում է փոխտնօրեն, տնօրենի ժամանակավոր պաշտոնակատար Քնարիկ Զիվյանը:** - Զուգահեռ անհրաժեշտ դպրոցական կահավորում, պիտույք, այլ պարագաներ: Դպրոցում գրեթե չի գործում սանհանգույց, բացակայում են գրասենյակներ, ուսումնական գործընթացին անհրաժեշտ տեխնիկա: Եթե որեւէ բան դպրոցում իրականացվել է, ապա՝ ծնունդով գյուղից, այժմ ռուսաստանաբնակ Զիվյան եղբայրների նյութական աջակցությամբ: Ի դեպ, հենց նրանց շնորհիվ, գյուղում կառուցվեց կամուրջ եւ կապեց այն քաղաքի հետ: Կառուցվեցին գյուղի ակումբն ու մարզադահլը, վերանորոգվեց դպրոցի տանիքը:

ՆԻՆՈՇՄԻՆԴԱՅԻ ՄՈՒՆԻՑԻՊԱԼԻՏԵՏ

Շրջանն այս տարի ունի հայկական դպրոցի 222 շրջանավարտ: Շրջանի Գանձա գյուղում գործում է երկու դպրոց՝ 300-ն անցնող աշակերտով:

Վոլոդյա Կյուրեղյանը Գանձայի Վ.Տերյանի անվան թիվ 1 դպրոցի տնօրենն է.

- Դպրոցում սովորում է մոտ 200 աշակերտ,- **ասում է Վ.Կյուրեղյանը:** - Այս տարի մեր շրջանավարտների թիվը 13-ն է, նույնքան, որքան անցյալ տարի: Առաջին դասարանցիների թիվն այս պահին տասնչորս է:

Զնայած նրա, որ քննությունների պատմեջը հաղթահարված է, շրջանավարտների թվում այս տարի մեղալակիր չունենք: Այդուհանդերձ, գերակշիռ մասը մտադիր է ուսումը շարունակել Վրաստանի ու Հայաստանի բուհերում: Ինչ վերաբերում է դպրոցին, ապա շենքը միահարկ է, կառուցվել է 2005 թվականին եւ՝ վերանորոգվել 2016-ին: Ուսումնական մասը բարեկարգ է, դպրոցը գազիֆիկացված է: Բայց մեր թիվ մեկ խնդիրը սպորտի եւ հանդիսությունների սրահի ու դահլիճի բացակայությունն է: Դպրոցում ունենք Վրաստանի ըմբշամարտի պատանի չեմպիոններ, որոնք մարզվում են գյուղում գործող մարզադահլում: Մեր երեխաները մասնակցում են նաեւ տարածաշրջանային եւ հանրապետական առարկայական օլիմպիադաների եւ հաղթանակած վերադառնում: Ասեմ, որ դպրոցը մանկավարժների պակաս չունի: Ինչ վերաբերում է դասագրքերին, ապա խնդիրը ծագում է միայն Մայրենի լեզվի հետ:

Գանձայի մյուս դպրոցում սովորում է 222 աշակերտ: Մեզ հետ գրույցում դպրոցի տնօրեն Սարգիս Դուրգարյանը հայտնեց, որ շրջանավարտների թիվը 19 է եւ նախախտությամբ ընդգծեց, որ երկուսն արծաթե մեդալակիր են:

- 19-ը շրջանավարտից 10-ն արդեն դիմորդ են Թբիլիսիի բուհերում,- **ասում է տնօրենը:** - Մյուս մասը նախընտրում են Հայաստանում շարունակել բարձրագույնը: Առաջին դասարանցիները 12-ն են: Դպրոցը եռահարկ է, բարեկարգ: «Միլենիում» ամերիկյան հիմնադրամի աջակցությամբ, պետությունը դպրոցը վերանորոգել է 2008 թվականին: Դպրոցն ունի սպորտային դահլիճ, ֆուտբոլի դաշտ, ինչը մեծապես նպաստում է երեխաների առողջ ապրելակերպի ապահովմանը: Մեր բասկետբոլի, եւ հատկապես ֆուտբոլի թիմերն իրենց հաղթանակներով հաճախ են առաջատարի դիրքում: Դպրոցում նաեւ արվեստի բարձրակարգ մասնագետ ունենք եւ հաճախ մասնակցում ենք հանրապետական ցուցահանդեսների: Ինչ վերաբերում է վրաց լեզվին, ապա հատկապես վերջին շրջանում զգալի առաջընթաց ունենք: Դպրոցականը զգում է, որ երկրում իր ապագան մեծապես պայմանավորված է պետական լեզվի իմացությամբ:

ԱՄԱԼՔԻՆԵՒ ՄՈՒՆԻՑԻՊԱԼԻՏԵՏ

Շրջանն ունի 125 շրջանավարտ: Շրջանի Ծուղրուք գյուղում 350 ընտանիք է ապրում: Ի դեպ, Ծուղրուքը «Վրաստան» թերթի իր 60 բաժանորդով առաջատարն է մունիցիպալիտետում: Տեղի դպրոցը կառուցվել է 1942 թվականին: Վերջին զանգն այստեղ նույնպես մայիսի 18-ին հնչեց: Միջնակարգն ավարտեց 18 աշակերտ, որից երկուսը՝ արծաթե մեդալակիր:

- Անցած տարի 2 ոսկե մեդալակիր ունեինք,- **ասում է դպրոցի երիտասարդ տնօրեն Արամ Վարդանյանը:** - Աշակերտների ընդհանուր թիվը 202 է: Ունենք 20 առաջին դասարանցի: Մեր դպրոցն աշակերտների թվով ամենամեծն է շրջանում, բայց, ցավոք, ամմխիթար վիճակում է: Մենք բազմիցս այս հարցով դիմել ենք մեր նախարարին: Բայց դեռ կոնկրետ պատասխան չունենք: Այդուհանդերձ, Զեն, որ 2005-ին վերանորոգեցինք սպորտ-դահլիճը, իսկ 2010-ին՝ շենքում բացեցինք եւս երկու սենյակ, քանի որ, մինչ այդ, դասարանների բացակայության պատճառով, ստիպված էինք երկիերթ աշխատել: Դպրոցում գործում է 37 մանկավարժ, դասավանդվում են բոլոր առարկաները: Մեծ ուշադրություն է դարձվում պետական լեզվի ուսուցմանը:

ԾԱԿԱՅԻ ՄՈՒՆԻՑԻՊԱԼԻՏԵՏ

Շրջանի 12 հայաբնակ գյուղերում այսօր կա 77 շրջանավարտ: Դպրոցներից ամենամեծը, շենքի տեսանկյունից, Դզլբիխան է: Գյուղի դպրոցը եռահարկ է: Շենքը շահագործվել է 1978 թվականին եւ այդ տարիներին ունեցել է 800-ին հասնող աշակերտ, մինչդեռ այսօր 138-ն են: Դպրոցի 32-ամյա տնօրեն՝ Ազնիվ Ոսկանյանն արդեն երեք տարի է, ինչ ղեկավարում է ուսումնական հաստատությունը:

- Շրջանավարտները քիչ են՝ ընդամենը 8-ը: Փոխարենն ունենք 4 մեդալակիր՝ 2-ը՝ ոսկի, 2-ը՝ արծաթ, ինչը խոսում է մեր դպրոցի ուսումնական չափանիշների մասին,- **ասում է տիկին Ազնիվը:** - Վերջին զանգի հանդիսությունն այս տարի առավել շուքով ճշվեց, որովհետեւ հյուրը մեր դպրոցի բարերար Էդգար Արամյանն էր, ով խոստացավ ստանձնել վերանորոգման խիստ կարիք ունեցող դպրոցի կարիքները: Իսկ մյուս բարերարի՝ Կարեն Քուչուկյանի նյութական աջակցությամբ, դպրոցում հնարավոր դարձավ դասարանների դռները փոխել: Դպրոցը շարունակում է մնալ հին վառարանների հույսին, չկա ներքին սանհանգույց: Դպրոցում 27 մանկավարժ է գործում, այստեղից՝ 5-ը՝ երիտասարդ: Այս տարի ունենք 19 առաջին դասարանցի:

ՄԱՆՔԵՆԻՆԻ ՄՈՒՆԻՑԻՊԱԼԻՏԵՏ

Շրջանն ունի հայկական դպրոցի 46 շրջանավարտ: Կարմիր գյուղի համրային դպրոցն այս տարի ունի 9 շրջանավարտ, բայց փոխարենը՝ 17 առաջին դասարանցի:

- Մեր շրջանավարտներն արդեն Վրաստանի, Հայաստանի բուհի դիմորդ են, հաջողություն նրանց, - **ասում է տնօրեն Զնայակ Սայադյանը:** - Իսկ դպրոցում սովորող աշակերտների ընդհանուր թիվը 121 է: Մեզ ուրախացնում է աշակերտների թվի աճը, ինչը, բնականաբար, պայմանավորված է գյուղում արտագաղթի կանգառով: Օրինակ, եթե 8-12 դասարաններում այսօր 3-6 աշակերտ ունենք, ապա 1-7 դասարաններում աշակերտների թիվն անցնում է տասը: Սա նաեւ մեծ խթան է տալիս մանկավարժներին՝ իրենց աշխատանքն առավել արդյունավետ կազմակերպելու համար: Վերջին անգամ դպրոցը վերանորոգվել է 2000 թվականին: Այսօր այն բավական բարեկարգ է. ունի սանհանգույց, ներքին վերանորոգում, կենտրոնական ջեռուցում: Մասնագետների պակաս նույնպես չունենք: Ունենք ֆուտբոլի եւ բասկետբոլի դահլիճ: Դպրոցի բյուջեն բավարարում է, որպեսզի ժամանակ առ ժամանակ ներքին վերանորոգումներ կատարենք: Թերեւս միակ թերությունը երկիերթ դպրոցն է, որ կապված է շենքի փոքրության հետ:

ԲՈՒՆԻՍԻ ՄՈՒՆԻՑԻՊԱԼԻՏԵՏ

Քաղաքում այսօր մեկ հայկական դպրոց է գործում՝ 50 աշակերտով: Իսկ շրջանի Բուլնիս-Խաչեն հայաբնակ գյուղի դպրոցին կցված է մոտ 20 կմ հեռավորության վրա գտնվող Կիանթեթի դպրոցը, որ գործում է գյուղում, բայց ունի մեկ ընդհանուր կառավարում եւ տնօրեն՝ Մեխակ Սարգսյանը:

- Տարվա շրջանավարտների թիվը 12-ն էր, - **ասում է պարոն Սարգսյանը,** - մեղալակիր չունենք, բայց քննությունները հանձնել են բոլորը: Աշակերտների ընդհանուր թիվը դպրոցում 209 է: Ուսումնական հաջող տարին կբացենք այս պահի դրությամբ գրանցված 19 աշակերտով: Ինչ վերաբերում է շենքերին, ապա, իսկապես վերանորոգման կարիք ունենք: Անցած տարի վերանորոգեցինք տանիքը: Ցավոք, բյուջեի միջոցները չեն բավարարում՝ շենքը հիմնովին վերանորոգելու համար: Մանկավարժների պակաս կամ դասագրքերի կարիք չունենք, այս տարի այդ գործընթացը լավ էր կազմակերպված:

ԳԱՅՆԵ ԲՈՍՏԱՆՅԱՆ

ՆԿԻՐՎԱԾ ԷՐ ՍԱՅԱԹ-ՆՈՎԱՅԻՆ

«ԲԼԵՈՒԼԻ ՇԻՊ» ԹԲԻԼԻՍԻԻ ԹԻՎ 103 ԴՊՐՈՑՈՒՄ

Հանձնարել աշուղ-բանաստեղծ, Կովկասի սիրո խորհրդանիշ՝ Սայաթ-Նովային էր նվիրված Թբիլիսիի թիվ 103 համրային դպրոցում կայացած միջոցառումը:

Հանդիսությունը կազմակերպվել էր դպրոցի մեծավաստակ ուսուցչուհի Գայանե Մխիթարյանի ջանքերով: Գրական-գեղարվեստական կոմպոզիցիան համարված էր Սայաթ-Նովայի կյանքի ու գործունեության մասին պատմող բեմական դրվագներով: 5-11-րդ դասարանների 35 մասնակից հայերեն ու վրացերեն իրաշալիորեն վեր հանեցին մեծ աշուղի կենսագրությունը, զգացմունքային ու արտահայտիչ ասմունքով ներկայացրին նրա փիլիսոփայական տողերը, խորիմաստ խրատներն ու անգուգական սիրերգությունը, որոնք զուգորդվում էին երգերով ու պարերով (պարուսույց՝ Անգելինա Նազարյան-Քոչյան): Ուշագրավ էր հատկապես Սայաթ-Նովայի եւ Վրաստանի Հերակլ երկրորդ թագավորի, իր սիրո էակ՝ Աննայի հանդիպման տեսարանները, կին-

տոների հետ քեֆի պահը...

Մեջբերվեցին Ե.Չարենցի, Հովհ.Թումանյանի, Վ.Բրյուսովի, Պ.Սեւակի եւ այլոց խոսքերը՝ անման աշուղի ստեղծագործության մասին: Վրացերեն հնչած տաղերից շատերը թարգմանված են մերօրյան անվանի բանաստեղծ-թարգմանիչ Գիվի Շահնազարի ու վերջերս կյանքից հեռացած ճանաչված թբիլիսցի արեւելագետ, հայագետ Ջեզվա Մեդուլաշվիլու կողմից:

Միջոցառումը վառ ապացույցն էր հայ եւ վրաց ժողովուրդների միջեւ դարավոր բարեկամության, որին առանձնահատուկ տեղ էր տալիս համամարդկային արժեքներ դավանող «մեր վիթխարի» Սայաթ-Նովան:

Միջոցառումը եւս մեկ անգամ դարձավ ազնիվ ապրելու եւ բոլորանվեր սիրելու անմոռաց դաս,

որի թողած մեծ է խորը տպավորության ու նշանակության մասին խոսեց դպրոցի տնօրեն Արիլ Զխալժեն: Վրաստանում Հայաստանի արտակարգ եւ լիազոր դեսպան Ռուբեն Սադոյանն ընդգծեց Սայաթ-Նովայի դերը, որպես հայ եւ վրաց ժողովուրդների բարեկամության խորհրդանիշի: Նա կրթօջախի տարրական դասարանների դասվար, վաստակաշատ ուսուցչուհի Լուիզա Մուրադյանին հանձնեց Հայաստանի Սփյուռքի նախարարության «Մայրենիի դեսպան» մեդալը: Միջոցառումը եւ Գայանե Մխիթարյան շնորհալի ուսուցչուհու իսկայանավալ, բովանդակալից աշխատանքը բարձր գնահատեցին նաեւ նշանավոր բանաստեղծ-թարգմանիչ Գիվի Շահնազարը, «Վրաստան» թերթի գլխավոր խմբագիր Վան Բայբուրդյանը, Սակրեբուկյի Իսմիլի շրջանի պատ-



գամավոր Իլիա Ջիլկարիանին, տողերիս հեղինակը, ով առաջարկեց Թբիլիսիի բոլոր դպրոցներում մայիս ամսին անցկացնել Սայաթ-Նովային նվիրված օր:

Հանդիսությունն ունկնդրեցին հյուրեր՝ Իսմիլ-Սամգորիի շրջանի ռեսուրս-կենտրոնի պետ Մեգի Ռոստիաշվիլի-Շիկլաուրին, Վրաստանում ՀՀ դեսպանատան դիվանագետներ, Հավլաբարի Սուրբ Էջմիածին եկեղեցու հոգեւոր հովիվ

Տեր Մանուկ քահանա Ջենյալյանը, «Վրացահայերի միություն» կազմակերպության ղեկավար Մարի Առաքելովան, վաստակավոր ուսուցչուհի Ռոզա Ջոհրաբյանը, ՄԱԿ-ում Վրաստանի երիտասարդության ներկայացուցիչ Գիորգի Թումայանը, կրթօջախի աշակերտներ, ուսուցիչներ, ծնողներ:

ԿԱՐԻՆԵ ՄԱՆՈՒԿՅԱՆ

Վրաստանի ԿԳ նախարարության փորձագետ

ՀԱՅԱՍՏԱՆ - ԱՐՑԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԿԱԶՊՐԵՍԻ ՆՅՈՒԹԵՐՈՎ

ԿԱՌԱՎԱՐՈՒԹՅԱՆ ԾՐԱԳԻՐԸ ՀԱՎԱՆՈՒԹՅԱՆ ԱՐԺԱՆԱՑԱՎ

(Ակիզբը՝ 1-ին էջում)

Նշենք, որ, նախքան արտահերթ նիստը, 2017 թվականի խորհրդարանական ընտրություններից հետո, Ազգային ժողովում մեծամասնություն (58 պատգամավորական մանդատ) ունեցող Հայաստանի հանրապետական կուսակցության վեց պատգամավոր (Ֆելիքս Ցոլակյանը, Արթուր Գեորգյանը, Արտակ Սարգսյանը, Շիրակ Թորոսյանը, Արման

Սահակյանը, Սամվել Ալեքսանյանը) հայտարարել էին ՀՀ ԱԺ խմբակցությունից դուրս գալու մասին: Այդպիսով, 105 պատգամավորական տեղ ունեցող Ազգային ժողովում, ՀՀ-ն կորցրել է մեծամասնությունը: Այդուհանդերձ, ՀՀ-ն հայտարարել էր, որ չի խոչընդոտելու կառավարության ծրագրի քվեարկությանը:

Կառավարության ծրագրին կողմ է քվեարկել ՀՀ խմբակցության 12 պատգամավոր:

ՆՈՐ ԿԱՌԱՎԱՐՈՒԹՅԱՆ ՈՒՂԵՆԻՇԱՅԻՆ ԱՌԱՋՆԱՀԵՐԹՈՒԹՅՈՒՆՆԵՐԸ



Հունիսի 7-ին, Հայաստանի Ազգային ժողովում, վարչապետ Նիկոլ Փաշինյանը ներկայացրեց իր գլխավորած կառավարության ուղենիշային առաջնահերթությունները:

բոլորի հավասարության վրա հիմնված ազգային միասնությունն ու համերաշխությունը, Հայաստանի ներքին եւ արտաքին անվտանգության ապահովումը, Հայաստանի եւ Արցախի անվտանգության մակարդակի շարունակական բարձրացումը, կոռուպցիայի մերժումը եւ կոռուպցիայից զերծ հանրությունը, քաղաքականության եւ բիզնեսի տարանջատումը, մարդու իրավունքների պաշտպանվածությունը, մարդու արժանապատիվ ու երջանիկ ապրելու համար նպաստավոր պայմանների ստեղծումը:

Նա համոզվածություն հայտնեց, որ հենց վերը նշված թեզերով է պարփակվում այն բովանդակային տարածքը, որն անհրաժեշտ է՝ Հայաստանը զարգացման նոր աստիճանի բերելու համար:

Նրա խոսքով, Հայաստանի անկախությունից հետո, բոլոր խորհրդարանական եւ նախագահական ընտրությունները կեղծվել են բացառությամբ 1991թ. նախագահական եւ 1999թ. խորհրդարանական ընտրությունների: Այլասերման այդ գործընթացն անխուսափելիորեն հանգեցրել է նրան, որ Հայաստանում գործել է պետություն պետություն-նից դուրս: Նա շեշտեց, որ, իր ղեկավարած կառավարությունը, առաջնահերթություն է համարում՝ երկրի համար քայքայիչ երեւոյթներն արմատախիլ անելը, ինչի համար անհրաժեշտ բոլոր պայմաններն առկա են, որովհետեւ Հայաստանի քաղաքացին կարողացել է վերջապես ջախսել ընտրակաշառքի, վախի, հարկադրանքի, կախվածության շղթաները, եւ հիմա եկել է ժամանակը՝ այս իրողությունը որպես հանրային պայմանավորվածություն արձանագրելու համար:

Նա շեշտեց, որ, իր ղեկավարած կառավարությունը, առաջնահերթություն է համարում՝ երկրի համար քայքայիչ երեւոյթներն արմատախիլ անելը, ինչի համար անհրաժեշտ բոլոր պայմաններն առկա են, որովհետեւ Հայաստանի քաղաքացին կարողացել է վերջապես ջախսել ընտրակաշառքի, վախի, հարկադրանքի, կախվածության շղթաները, եւ հիմա եկել է ժամանակը՝ այս իրողությունը որպես հանրային պայմանավորվածություն արձանագրելու համար:

ՀԱՅԱՍՏԱՆԻ ԱԳ ՆԱԽԱՐԱՐ ԶՈՐՐԱԲ ՄԱՑԱԿԱՆՅԱՆԸ ՄՈՍԿՎԱՅՈՒՄ

Աշխատանքային այցով Մոսկվայում գտնվող Հայաստանի ԱԳ նախարար Զորիար Մնացականյանը հունիսի 7-ին հանդիպեց ՌԴ արտաքին գործերի նախարար Սերգեյ Լավրովի հետ:



Հանդիպմանը նախարարները շեշտեցին երկկողմ պատրաստակամությունը ոչ միայն ապահովելու դաշնակցային հարաբերությունների շարունակականությունը, այլեւ տարբեր ձեւաչափերում ամենօրյա գործունեություն ծավալելու, դրանց նոր լիցք հաղորդելու ուղղությամբ: Այդ համատեքստում անդրադարձ կատարվեց՝ մայիսի 14-ին ՀՀ վարչապետ Նիկոլ Փաշինյանի եւ ՌԴ նախագահ Վլադիմիր Պուտինի համդիպման ընթացքում, ձեռք բերված պայմանավորվածությունների կատարման ընթացքին, ինչպես նաեւ՝ առաջիկա բարձրաստիճան փոխայցելությունների ժամանակացույցին:

Հանդիպմանը Հայաստանի եւ Ռուսաստանի արտգործնախարարները հանգամանալից քննարկում ունեցան հայ-ռուսաստանյան հարաբերությունների լայն շրջանակի վերաբերյալ:

Զրուցակիցները մտքեր փոխանակեցին ՄԱԿ, ԵԱՀԿ, ԱՊՅ, ԵԽ, ՍԾՏՀԿ եւ միջազգային բազմակողմ այլ հարթակներում փոխգործակցության եւ գործունեության համադրմանն առնչվող հարցերի շուրջ:

Հանդիպման ընթացքում արծարծվեցին նաեւ միջազգային եւ տարածաշրջանային կարելության մի շարք

հարցեր, մտքեր փոխանակվեցին Իրանի միջուկային ծրագրի շուրջ վերջին զարգացումների եւ Սիրիայում տիրող իրավիճակի շուրջ:

Հանգամանալից անդրադարձ կատարվեց ղարաբաղյան հիմնախնդրի խաղաղ կարգավորման գործընթացին եւ դրա շուրջ զարգացումներին:

Հանդիպման ավարտին երկու երկրների արտգործնախարարները հանդես եկան համատեղ մամուլի ասուլիսով:

ՀԱՅԱՍՏԱՆ-ՆԱՏՕ. ՆԵՐԿԱՅԱՑՎԵԼ Է ՀԱՄԱԳՈՐԾԱԿՑՈՒԹՅԱՆ ՊԱՏՐԱՍՏԱԿԱՄՈՒԹՅՈՒՆ

ՆԱՏՕ-ի խորհրդարանական վեհաժողովի գարնանային նստաշրջանի ընթացքում բարձր է գնահատվել այն հանգամանքը, որ, լինելով Հավաքական անվտանգության պայմանագրի կազմակերպության անդամ, Հայաստանը շարունակում է խորացնել հարաբերությունները ՆԱՏՕ-ի հետ: Այս մասին ՆԱՏՕ-ի խորհրդարանական վեհաժողովում ասաց Հայաստանի պատվիրակության ղեկավար Կորյուն Նահապետյանը:

- Առանձնակի կարելությունը Հայաստանի մասնակցությունը ՆԱՏՕ-ի կողմից իրականացվող խաղաղապահ առաքելություններին Աֆղանստանում եւ Կոսովոյում: Այդ մասին հատուկ ընդգծեց ՆԱՏՕ-ի գլխավոր քարտուղար Յանս

Ստոլտենբերգը՝ նշելով, որ Հայաստանը շարունակում է մնալ ՆԱՏՕ-ի համար հուսալի գործընկեր,- նշեց Նահապետյանը:

ՆԱՏՕ-ի գլխավոր քարտուղարը նշել է, որ իրենք պատրաստակամ են խորացնել համագործակցությունը Հայաստանի հետ:

ՆԱՏՕ-ի խորհրդարանական վեհաժողովի գարնանային նստաշրջանն անցկացվել է մայիսի 25-28-ը, Վարշավայում:

ԲՈՒՅԵՐՈՒՄ ԴԻՄՈՐԴՆԵՐԻ ԹԻՎԸ ՆՎԱԶԵԼ Է

Հայաստանյան բուհեր այս տարի դիմել է ընդամենը 4626 շրջանավարտ՝ նախորդ տարվա 12 000-ի համեմատ: Բուհերից հավաստիացրին՝ չնայած նման ցածր ցուցանիշին՝ գրեթե չկան ֆակուլտետներ, որոնց համար դիմումներ ընդհանրապես չկան:

Ինչպես նշեցին Գնահատման եւ թեստավորման կենտրոնի մասնագետները, դիմորդների նման ցածր քանակը պայմանավորեց 12-ամյա կրթական համակարգով:

ԵՊՀ ընդունելության առաջին փուլում դիմել է 1519 դիմորդ: Նախորդ տարի բակալավրիատի ընդունելության առաջին փուլում ԵՊՀ էր դիմել 2632 դիմորդ՝ 1113-ով ավելի այս տարվա դիմորդների թվից:

Այս տարի Երեւանի Վ.Բրյուսովի անվան լեզվաբանական համալսարանի դիմորդների թիվը եղել է 290՝ նախորդ տարվա նույն ժամանակի դիմորդների թվից 70-ով պակաս:

Հայաստանի պետական տնտեսագիտական համալսարանի դիմորդների թիվը եղել է 462՝ նախորդ տարվա 966-ի համեմատ: Իսկ Հայաստանի ազգային պոլիտեխնիկական համալսարանն այս տարի ունի 503 դիմորդ:

Ընդունելության քննությունները մեկնարկել են հունիսի 8-ին:

ՀԱՆԳՐՈՒՄ ՀԱՅԱՍՏԱՆԻ ՆԱԽԱԳԱՀԻ ՆՍԱՎԱՅՐՈՒՄ



Հունիսի 7-ին, Հայաստանի նախագահ Արմեն Սարգսյանը նախագահական նստավայրում հանդիպում ունեցավ Ամերիկայի հայկական համագումարի համանախագահներ Վան Գրիգորյանի, Էնթոնի Բարսամյանի, ԱՀՀ-ի գործադիր տնօրեն Բրայան Արդունի, ԱՀՀ տարածաշրջանային տնօրեն Արփի Վարդանյանի հետ: Ողջունելով հյուրերին՝ Հայաստանի նախագահը կարեւորեց Միացյալ Նահանգներում համահայկական նշանակության հարցերով մշտապես զբաղվող հայկական կազմակերպությունների գործունեությունը:

Զրուցակիցները մտքեր փոխանակեցին՝ համահայկական օրակարգային հարցերի, դրանց լուծման ուղղությամբ նոր ուղիներ գտնելու, աշխատանքն ավելի արդյունավետ ու նպատակային դարձնելու հնարավորությունների վերաբերյալ:

Ամերիկայի հայկական համագումարի ներկայացուցիչները հպարտությամբ փաստեցին՝ Հայաստանում տեղի ունեցած արմատական փոփոխությունների խաղաղ բնույթը եւ անչամբ նախագահ Սարգսյանի կարեւոր եւ հավասարակշռող դերն այդ գործում:

ՄԵԼԵՅԵՎ ԵՐԿՈՒ ՏԱՐԵՎԱՆ ԵՐԵՎԱՆԵՐԻ ԽԵՍՏԵՐ ՎՃԱՐԸ 50 ՏՈՎՈՍՈՎ ԿՈՈՒՀԱՏՈՒՅՎ

Հայաստանի կառավարությունն ընդունեց՝ «Մինչեւ երեք տարեկան երեխայի խնամքի համար, արչակուրդում գտնվող, բայց աշխատանք փնտրող անչանց՝ մինչեւ երեխայի երկու տարին լրանալը աշխատանքի վերադառնալու դեպքում, երեխայի խնամքն աշխատանքին զուգահեռ կազմակերպելու համար՝ աջակցության տրամադրման» կարգը: Ծրագրի շնորհիվ՝ մինչեւ երկու տարեկան յուրաքանչյուր երեխայի խնամքի համար, դայակին կամ վճարովի հիմունքներով գործող նախադպրոցական հաստատությանը վճարվում է գումար՝ աշխատանքային պայմանագրով սահմանված ամսական վարձատրության 50%-ի չափով, բայց ոչ ավելի, քան օրենքով սահմանված նվազագույն ամսական աշխատավարձի չափը:

ՄԵԼԵՍԵՎԵՆ ԱՐՄ ՄԱԶԱՏՐՅԱՆԻ ՄԻՋԱԶՈՒՅՐԻՆ ՄԵՐՈՒՅՈՒՆԸ

Արամ Խաչատրյանի 14-րդ միջազգային մրցույթն ամեն տարի անցկացվում է տարբեր երաժշտական մասնագիտությունների գծով: Այս տարի թավջութակահարների հերթն է, քանի որ Արամ Խաչատրյանն իր երաժշտական ուղին սկսել է թավջութակով: Մրցույթին մասնակցում է 16 թավջութակահար՝ 9 երկրից:

Մրցույթն անցկացվում է երեք փուլով: Առաջին փուլի առաջին մրցութային օրը տեղի ունեցավ հունիսի 7-ին:

Մրցույթի ժյուրիի նախագահը Միչիգանի պետական համալսարանի պրոֆեսոր, լարային գործիքների ամբիոնի ղեկավար Սուրեն Բագրատունին է: Ժյուրիի անդամները հեղինակավոր մասնագետներ են, որոնք ժամանել են տարբեր երկրներից: Մրցույթի պատվավոր նախագահն է լեհ կոմպոզիտոր, դիրիժոր Զիլդարոֆ Պենդերեցկին:

ԵԿԵՂԵՑԱԿԱՆ

ՀՈՒՆԻՍ

9.06.2018. Սուրբ Ներսես Մեծ Հայրապետի եւ Խաղ եպիսկոպոսի հիշատակության օր

10.06.2018. Բարեկենդան Սուրբ Գրիգոր Լուսավորչի պահոց

12.06.2018. Սուրբ Կոստանդիանոս կայսեր եւ նրա մոր՝ Հեղինեի հիշատակության օր

ՀԱՆՐԱՊԵՏԱՆԻ ԲԱՆԱՍՏԵՂԾՈՒՅԻՆ ԴԵՏ

ՄԱՐԻՆԱՅԻՆ ԸՆԹԵՐՅՈՒՄ ԵՆ ՆԱԵՎ ՀԱՄԱՅՆՈՒՄ



Թբիլիսիի «Թումանյանի տուն» մշակութային կենտրոնի այդ օրվա հյուրը թբիլիսահայ տաղանդաշատ, ռուսագիր բանաստեղծուհի, Վրաստանի գրողների միության նոր ընտրված անդամ, Վրաստանի հայ գրողների «Վերնատուն» միության երկարամյա անդամ Մարինա Կիրակոսյան-Մոսետովան էր, իսկ ներկայացրեց նրա պոեզիայի երկրպագուներն ու գրչակիցները:

Արա Աթոյանի թարգմանությամբ եւ ունեցավ մեծ արձագանք:

Ստեղծագործական կյանքի համեմատաբար կարճ ժամանակամիջոցում Մարինա Կիրակոսյան-Մոսետովան ձեռք բերեց ճանաչում համացանցերում, սակայն տարբեր անկյունների գրական դաշտի գիտակցության նրան հոված գնահատանքի նամակները չեն կուրացնում Մարինային: Նա հավատում է ընթերցողին, այդ հավատը մեկ անգամ էլ ամրապնդվեց երեկոյի ընթացքում, երբ կայացավ բանաստեղծի եւ նրա ընթերցողի փոխադարձորեն սպասված հանդիպումը:

Ներկաները վայելեցին սեփական ստեղծագործությունների հեղինակային ընթերցումը, ինչը, ասես, կրկնակի հույզ ու իմաստ հաղորդեց բանաստեղծուհու ինքնատիպ քնարերգությանը՝ լսելի դարձնելով մարդկային հոգու խորքերում ծնված թաքուն անուրջներն ու ձգտումները, նրա սիրտ ու ցավի չլուրջ ու սրտեր ջերմացնող երգը:

Մոսետովայի ստեղծագործությունների ինքնատիպ վերլուծությամբ հանդես եկավ «Վերնատուն» անդամ Ռաֆայել Գրիգորյանը: Ջերմ խոսքով իրենց շնորհակալությունը հայտնեցին բանաստեղծներ, «Վերնատուն» անդամներ Միխայիլ Անանովը, Գարրի Ղալաձեարովը, քանակագործ-նկարիչ Լեոն Օսիպովը:

ՀՈՒՆԻՍԻ ԲԱՆԱՍՏԵՂԾՈՒՅԻՆ

ԹԱՏՐՈՆ

«ՕՐԵ՝ ԱՆՁՐԵՎՈՏ»-Ը ԵՐԵՎԱՆՈՒՄ

Հունիսի 4-ին, Երեւանի Հ.Պարոնյանի անվան երաժշտական կոմպոզիցիայի պետական թատրոնում, Թբիլիսիի Պ.Աղամյանի անվան պետական հայկական դրամատիկական թատրոնը հանդես եկավ «Օրը՝ անձրեւոտ» ներկայացումով՝ զեղարվեստական ղեկավար՝ Արմեն Բայանդուրյանի թեմատությամբ եւ հեղինակությամբ:

Սեր ընթերցողին հիշեցնեց, որ Երեւանյան համադիսատեսին պիեսը ներկայացվել էր մարտի 13-ին, «Արտավազ» փառատոնի շրջանակներում, իսկ առաջնախաղը կայացել էր անցյալ տարի՝ Հունաստանի Կատերինե քաղաքում եւ արժանացել առաջին մրցանակի:

Այս անգամ Երեւանում բեմելի մանրամասները մեզ հետ գրույցում պատմեց Արմեն Բայանդուրյանը:

- «Օրը՝ անձրեւոտ»-ը իր բովանդակությամբ,- ասաց թատրոնի զեղարվեստական ղեկավարը,- համահունչ է Հայաստանում Թավշյա հեղափոխության մասին խոսող խոսքին: Ներկայացումը խոսում է սոցիալական ծանր իրավիճակից բխող հիմնական դրամայի մասին՝ թշվառություն, անգործություն, կաշառակերություն... խնդիրներ, որոնց առկայությունը հաճախ կործանման է բերում:

- Շնորհակալությամբ ասեմ, որ «Օրը՝ անձրեւոտ»-ի փաստորեն երկրորդ պարմանական բեմելը ապահովվեց Հայաստանի թա-

տերական գործիչների միության նախաձեռնությամբ եւ «Հայ-վրացական բիզնես ասոցիացիայի» նախագահ Սամվել Աղեկյանի աջակցությամբ: Ուրախ եմ, որ դահլիճում իրենց ներկայությամբ ադամյանցիներին պատվեցին Հայաստանի առաջին տիկին Աննա Հակոբյանը, Հայաստանում Վրաստանի արտակարգ եւ լիազոր դեսպան Գիորգի Սագանելիձեն, Հայաստանի մշակույթի նախարար Լիլիթ Մակունցը, Վիրահայոց թեմի առաջնորդ Տ.Վազգեն եպիսկոպոս Միրզախանյանը, «Վրաստան» թերթի գլխավոր խմբագիր Վան Բայրուրյանը, Հայաստանի ԱԺ պատգամավոր Շիրակ Թորոսյանը եւ ուրիշներ:

ԳԱՅԱՆԵ ԲՈՍԱՆԶԱՆ

ՆԱՄԱԿ ԽՄԲԱԳՐՈՒԹՅԱՆԸ

Սիրելի «Վրաստան» թերթի խմբագրություն,

Ձեր թերթի միջոցով երախտագիտությունս ու շնորհակալությունս եմ ուզում հայտնել Թբիլիսիի կենտրոնական հիվանդանոցի սրտաբանության բաժնի գլխավոր սրտավիրաբույժ Զաքա Կաթիսաձեին եւ սրտաբան, բուժող բժշկուհի Քեթևան Սիսիլաձեին: Հիպոկրատի երդմանը հավատարիմ հենց այս բժիշկների, ինչպես նաեւ բաժնի ավագ ու կրտսեր բուժաշխատողների շնորհիվ՝ ես՝ կամ, ողջ ու առողջ եմ եւ պատրաստ՝ կյանքիս նոր էջը բացելու:

Կուզեի բոլորն իմանային, որ այս բժիշկները ոչ միայն իրենց գործի հմուտ վարպետներն են, այլեւ՝ բացառիկ մարդասեր ու հոգատար մարդիկ:

Թող Աստված նմաններին երկար ապրեցնի... շե՛ն մնաք:

Կանխավ շնորհակալությամբ՝ «Վրաստան» թերթի մշտական բաժանորդ, Ասպինձայի մուհի Գիգիալիստեի Դամալա Գյուլի հանրային դպրոցի նախկին մանկավարժ Մելա Սահակյան:

Թբիլիսիի Պետրոս Ադամյանի անվան պետական դրամայի թատրոնը, «Վրաստան» թերթի խմբագրությունը խորապես ցավակցում են թատրոնի դերասան Գագիկ Մելքունյանին՝ սիրելի մոր՝

Աստղիկ Վահանի ՄԵԼՔՈՒՄՅԱՆԻ

մահվան կապակցությամբ եւ իրենց վշտակցությունն են հայտնում հանգուցյալի հարազատներին ու մերձավորներին:

Հայ Առաքելական եկեղեցու Վիրահայոց թեմը, «Վրաստան» թերթի խմբագրությունը խոր վշտակցություն են հայտնում Թեմի հոգևոր հովիվներ Հուսիկ քահանա եւ Եղիշե ավագ քահանա Հարությունյանների՝ փեսայի՝

Ժորիկ ՄԱՐՏԻՐՈՍՅԱՆԻ

ողբերգական մահվան կապակցությամբ ու վշտակցում են հանգուցյալի հարազատներին:



	1		2		3		4		5		6
7							8	9			
					10				11	12	
							15				
	13	14									
16					17						
				18				19	20	21	22
		23	24		25			26			
27							28				
			29		30		31				
32					33				34		35
			36					37		38	
39					40	41			42		
			43						44		
45					46				47		

Խ Ա Չ Բ Ա Ռ

ՀՈՐԻԶՈՆԱԿԱՆ

7.Ստախոս: 8.Պնակ, սկավառակ: 10.Ամերիկացի դերասանուհի ... Բերինդոր: 11.Լեռ: 13.Առավելագույն: 15.Արդի ցանց: 16.Ֆրանսիացի ֆուտբոլիստ, մարզիչ Լորան ...: 17.Հնագույն քաղաք-պետություն Հյուսիսային Միջագետքում, Եփրատի ափին: 19.Առավելագույն վաղ: 23.Իրավացի կերպով: 26.Վրաստանում գործող վարկային միկրոֆինանսական կազմակերպություն: 27.Հին Ֆրանսիական ժողովրդական պարահանդեսային պար: 28.Խաղողի չիր: 29.Թատրոնի եւ կինոյի դերասանուհի ... Ավետիսյան: 32.Ֆրանսիացի ֆուտբոլիստ Պատրիս ...: 33.... միջավայր: 36.Այժմ (բրբ.): 37.Մանրաբեկոր, փխրուն ապար: 39.Փոքրիկ լիճ: 40.Հյուսիս-կովկասյան էպոս: 42.Ազնվական, բարձր դասի պատկանող անձ: 43.Ֆրանսահայ երգիչ ... Ալթունյան: 44.13-րդ դարի հայ ճարտարապետ:

45.Մի շարք պտուղների սերմերը՝ կորիզները: 46.Նորածնի բերանին... 47.Լարային աղեղնավոր երաժշտական գործիք:

ՈՐՈՇՈՒՄՆԵՐ

1.Մրսած թոքերին հագուրդ տալ: 2.Դժոխք: 3.Իրաքում հարգի անուն: 4.Ապայական կոչում: 5.Հարս ու ...: 6.Անգլիացի գրող եւ ճանապարհորդ, Ջոն ...: 9.Սուսիկ...: 12.Մարդ ու կին: 14.Ավիատիեզերքային սարքավորումներ արտադրող ֆրանսիական ընկերություն: 18.Քաղաք Շվեդիայում: 20.Իր: 21.Քաղաք Ֆրանսիայում: 22.Արգելք, խափանող բան: 23.Դրություն: 24.Առանց ժամկետի: 25.Մամա: 30.Նշան դրած աղջիկ, հարսնացու: 31.Երկրամաս՝ Վրաստանում: 34.Անբան: 35.Խաղի անգուստ մոլուցք: 38.Վրան աղ ցանել: 41.Ընտանի կենդանի:

Կազմեց ԷԼԼԱ ԱՌԱՐԵԿՅԱՆԸ

ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ

1.Ազգայի: 4.Թագ: 7.Գիգա: 11.Սուրամ: 12.Նամի: 13.Նար: 14.Նավթ: 15.Եվա: 16.Ոսկոր: 18.Եզր: 22.Եռատուն: 24.Դո: 25.Արեմի: 26.Ռե: 27.Կոտե: 29.Ասպետ: 31.Մեկ: 33.Ալտ: 35.Խազ: 36.Դիանա: 37.Այ: 39.Նուռ: 40.Մտրուկ: 43.Տաշիր: 45.Լիլիթ: 46.Արդար: 48.Լու: 49.Մաքի: 52.Կտավատ: 55.Շտապել: 56.Անի: 57.Դանիա: 58.Բաբելոն:

ՈՐՈՇՈՒՄՆԵՐ

2.Գանձասար: 3.Պամիր: 4.Թունի: 5.Արա: 6.Գարբո: 8.Իվանե: 9.Արթուր: 10.Ծերեթեի: 17.Կոնցել: 19.Ձանգեզուր: 20.Անեկ: 21.Երասխ: 23.Տերեմտի: 28.Տակ: 30.Պանիր: Մամուլ: 32.Կարլ: 34.Տատրակ: 36.Դորտմունդ: 38.Յադ: 41.Ուլիյան: 42.Կթու: 44.Շարա: 47.Լատվիա: 50.Իշլի: 51.Լեդա: 53.Տալ: 54.Վրան:

Խմբագիր՝
ՎԱՆ ԲԱՅԲՈՒՐԹՅԱՆ

Մեր հասցեն՝ Թբիլիսի 0105
Գ.Աթոնելի փ. 5 Հեռ. 2990-739, 2990-774
www.vrastan.ge
E-mail: vrastan@caucasus.net

Գրանցման վկայական
№ 4 4 - 1439
«ԿՈԼՈՐ» հրատարակչություն

“ВРАСТАН”
Тбилиси, Грузия
“VRASTAN”
Georgia, Tbilisi
Индекс 66445